



仙呂
過曲

駐馬兒馬兒搵起出都門又驚又呀行人何事

恁波查不肯少停遷駕

生前面跨蹇驢的好似刺老

師快叫帶住雜叫末停驢介維刑部鮮于爺在此生

末下馬相見介末果是賢契足見高情生不知老恩

師發駕甚速送遲有罪門生有一杯水酒就此涼亭

少敘以壯行色將酒過來送酒介

皂袍罩黃鶯

皂羅袍

蜀道登天方乍這一杯別酒聊送

流槎幾回腸斷憶三巴何時再侍金門下老恩師再

請一杯

黃鶯兒

免嗟呀明王在御肯又屈賈長沙

前腔末我直諫一場空話歎孤身遠謫萬里無家世
 情飄忽似楊花翻雲覆雨堪驚叱似賢契高情百中
 少一生豈敢末遍天涯雲霄雅誼誰似庾公差小淨
 丑扮差官上上命所差蓋不繇已俺每奉劉丞相鈞
 旨察聽十里長亭何人與蒯典史送行原來一路無
 人望介丑只有鮮于老官兒在此小淨他是門生怪
 他不得不免回覆丞相命去將軍不下馬各自奔前
 程下外方纔差官是劉府差來打探的爺請早些別
 罷怕又惹出事來生生便是劉丞相自來我也不怕

一封歌

書一封

俺似漁陽鼓慘搗氣填胸難按壓憑伊

道勢家我無私他怎加末末賢契快分手罷省得累及

你生生唉恩師說那裏話難道師生同陌路那怕奸鋒

似鎖鄒

排合歌

恩情厚聲氣洽臨岐分手淚如麻但願

朝綱整言路達不教堅白繫匏瓜

前腔末

嗷嗷犬吠猥順時情虬避蛙雖相附齒牙又

還防棘刺加請回罷生

生還該遠送末

末再不勞了自古

道送君千里終須一別馬首東西休戀別莫待林外

斜陽噪晚鴉末上驢介請了寸心言不盡前路日將

斜下生快帶馬趕進城去行介合前已到長安街上
遠遠來的好似小陳我且喚住他捨白一番陳年兄
丑冠帶引從上呀鮮于老年兄請了老年兄何來生
爲餞送蒯老師而來年兄一定也去送的丑不敢相
欺小弟爲家岳那邊事冗無暇及此生到不知令岳
是誰丑當朝劉丞相便是家岳生我且問你岳丈與
恩師誰輕誰重丑弟也問兄房師與恩岳孰疎孰親
生你去想來房師若不垂盼今日還是落第秀才丑
我也想來岳父若不賜婚終身恐做赤身寡漢生你

生不犯孤鸞寡宿便沒有劉丞相也招個賢德夫人
丑我命裏該象簡烏紗就不遇蒯房師也是個少年
進士生從來五大之中君親下便是師沒數着岳丈
丑自古三黨之內父母後便是妻不見說房師生作
怒介你這背本的得魚忘筌禽獸不如丑你那古板
的膠柱鼓瑟木石何異生你倚着冰山作泰山經不
起烈日當頭丑你丟着熱竈煨冷竈怎得個高官到
手生你今日也劉家岳明日也劉家岳好似逐臭蒼
蠅丑你今日也蒯房師明日也蒯房師倒像銜尾老

鼠我事忙沒工夫與你講嘴請了伶人點頭便知呆
漢棒打不曉喝道下生啊啣你看這忘恩負義的小
畜生這等無禮唉蒯老師你收得好少年門生也

中呂駐雲飛乳臭兒郎僥倖科名恃已長但作趨炎

想不把師恩講狂倍教學陳相甘爲惡黨唉蒯老師
枉却當初一片心偏向今日呵老少門生那個強

種桃得其蔭

種棘得其刺

不識金與銅

請從石上試

第二十八折

造謀

淨行衣上

寒山

正宮齊天樂半絲綸閣下司調贊恩寵萬人爭看潦

倒迂儒狂愚後進不信敢來胡犯事不關心關心者

亂俺前日謫貶蒯遇時雖則假手汪司禮滿朝誰不

知俺的來歷所以出郊之日無人敢送偏有刑部主

事鮮于同單騎遠餞好生可忿院子請陳爺出來俺

有事商議雜請介丑紗帽便服上

燕歸梁半撇却師門靠泰山歷貴顯有何難笑他義

膽與忠肝身落魄影孤單見介恩岳大人拜揖淨賢

婿少禮丑恩岳大人相召有何見諭淨蒯遇時官流

蜀道削草未免畱根鮮于同身在京都種桃猶思布
蔭人無遠慮必有近憂特與賢壻商議你聽我道

正宮 **雙灘鴻** 我耐不得塵沙在眼滿朝中誰吾抵調

過曲 偏是那師生兩下自相流盼怕去草不盡根又還滋

蔓與君家計議消此遺患

前腔 丑 啟岳丈莫愁煩小壻畧施小計呵教他每地

覆天翻 淨 賢壻有何計 丑 聞得崩公止有一子生長

富貴在家游蕩不肖兼他童僕之輩過失必然不少

今有巡按浙江者岳丈只分付幾句教他密訪陷獄

則覆巢之下已無完卵那鮮于同待他積俸稍深轉
他個外任也分付吏部尋他差處察處了他這兩事

都在岳丈掌握之中有何難哉 淨 妙計妙計 丑 但巡

方行事總在岳丈機關便吏曹黜與陟片言立按且

從容處置消此遺患 淨 賢壻督工將成不日有恩擢

了丑 全仗恩岳大人擡舉

淨 堪笑區區兩腐儒 丑 分明暇豫集枯株

淨 不施萬丈深潭計 丑 怎得驪龍領下珠

第二十九折 雪冤 小淨 青衣獄卒押 尤侯

世間人品不同惟有公子快樂享盡富貴榮華那解
窮愁落寞白相自道聰明讀書忒嫌愚朴只因一竅
不通納粟入在太學出門僕從如雲身上衣裳忒擴
紅樓翠館顛狂柳巷花街擺躑毬打彈精通寫字
做詩弗作日間挈伴閒游夜裏下場賭博無過酒食
游戲何曾恃強凌弱誰知福過災生來個按院刻薄
開我許多惡單說我本縣極惡正在青樓耍笑劈空
把我一捉虧殺沒有被害還要牽手縛腳將我拘禁
獄中經年並不發落受盡禁子腌臢喫盡牢頭咬嚼

做了甕裏魚鰍休說花間蝴蝶錯卒蝴蝶什麼蝴蝶錯小
淨錯猶蝶也自家崩公子崩樂的便是被前院訪察
在獄近蒙新按院發在本府審結府尊正是父親的
門生鮮于公當初父親嫌他年老甚不喜他只恐他
今日未必用情也只索繇他了卒崩公子今日恭喜
赴審太爺將次坐堂早些去伺候小淨正是在他矮
簷下怎敢不低頭暫下生冠帶引從上

仙呂引子 劍器令 匹馬入台州敢自歎一麾出守喜吾師

梓鄉在邇銜恩此日當酬皇恩破格荷高陞阜蓋朱

三幸恩
檐下赤城自古黃堂多善政炤天蠟燭水晶燈下官
鮮于同在部未滿三載因恤刑稱旨得蒙紀錄吏部
推陞爲台州知府因路途遙遠在京打發家眷還鄉
隻身赴任這台州正是蒯恩師鄉井湊着世兄蒯樂
被巡方訪拿陷獄我今正好與他昭雪且喜新按臺
將此一宗文卷委下官勘結正中下懷只是一件向
聞我台州一推原出劉閣下翁婿之意道我師生誼
切要借此爲下官罪案喚今日這宗文卷也未必無
因而發但下官受蒯老師三番識拔之恩倘得世兄

身家無恙我雖獲罪亦所甘心叫左右帶蒯樂一起
犯人來審衆應介卒帶小淨上丑外老旦貼扮被害
男婦上生蒯樂小淨有生你生于宦門怎麼不圖上
進狼藉至此小淨命臺聽稟

仙呂入雙
調過曲

風入松家君青瑣侍宸旒貶秩川中不久

生你可有甚前程小淨會游國學是民間秀也叨附
斯文之後生平日可讀書呢小淨讀書事言之可羞

因質魯早年丟生這等少年不讀書是自暴自棄了

前腔小淨自家暴棄敢誰尤如今做公子的少甚苗

而不秀生在家作何事小淨祖宗遺下多田畝取租

利兢兢自守生訪單上說你鬪賭之魁小淨不敢瞞

老爺鬪賭場中也曾走動不過適興而已偶興至隨

俗浪游何曾的號都頭生訪單開款甚多别的罷了

急三鎗說你強占取良家婦雙雙口害他親夫死沒

來繇又道你交無賴行局騙開場賭哄誘良家子幾

家休這兩款你有何分辨小淨爺爺冤枉

風入松良家婦女敢相攙生一個張憐憐一個李愛

愛小淨這愛愛憐憐呵都是青樓行首爺爺不信二

人見在臺下生張憐憐老旦有生李愛愛貼有生你

兩個是良家還是娼家老旦貼爺爺是娼家生蒯公

子娶你在家了麼老旦貼蒯公子只在小婦人家走

動金不會娶小淨只因鄙性貪花酒因此向花街閒

走他兩家龜子見在那有親夫原沒有鸞鳳配偶怎

扭做鵲巢鳩生你設賭勾哄誘良家子弟這是有

小淨爺爺也是冤枉

前腔圍棋賭墅古風流呼雉呼盧交手逢場作戲時

時有也不過三朋四友生被害是趙三千錢八百喚

趙三千錢八百上來丑外有生生荆公子騙你許多錢
鈔丑外小的們是窮漢見住荆衙房屋荆公子常喚
小的們書房中去派幾百錢戲賭助其高興小的們
那裏有錢生且下去這等說起來開場局賭也是虛
了小淨爺爺青天論局賭須結大仇真被害怎干休
風入松生那單開欵皆虛謬方信道這單訪有根由
我今日裏從實審成鐵案若上臺不允當以去就爭
之拚得個把官休一千人犯都趕出去單請荆公子
到耳房換公服相見小淨小的怎敢生你當初是罪

人如今審明無罪依舊是我世兄了快換公服小淨
換儒巾圓領入後堂跪生扶介小淨荆樂受恩臺活
命之賜禮當拜謝生說那里話請過作揖揖介生荆
世兄

風入松我受恩師三遍扳頭籌這恩德高如山斗從
公釋罪功何有只當做纓冠解圍還要專役奉候令
堂老師母小淨恁惓惓不忘故舊雲天誼古人求

公堂相見卽相親

生師弟通家盡故人

合惟有感恩并積恨

萬年千載不生塵別下

第三十齣

祖試

老旦上

前魚模
後江陽

雙調
過曲

鎖南枝 離京國返故廬夫君五馬冠蓋殊有子

捷賢書春闈正催赴最可幸鳳有雛他日繼書香耀

門戶旦引貼扮乳娘抱兒上

前腔 操中饋侍櫛梳生兒彌月喜慰姑見介老旦媳

婦你丈夫選定今日上京會試行李可曾完備旦完

備多時了夫婿上公車行囊早完具但願登金榜身

掛綠那時滿家門食天祿小生儒服上

前腔 承家教讀父書秋風得意鄉薦初見介老旦孩

兒今日是孫兒彌月你又要北上了兒啼介小生有

子泣呱呱公車敢遲悞老旦適纔梁親家差人來說

要來看外甥也該畧備湯餅以聚繼誼小生湯餅會果

暇圖且待錦衣回敘親故外帶雜攜酒禮上

大石調碧玉令二句添下所喜成宅相又兼開解元北

上入介老親母恭喜令孫彌月又值賢壻榮行老夫

此來一則看外甥二則餞賢壻老旦多謝盛情外看

兒介好令孫貌辱聲洪定知英物老夫有薄禮聊作

彌月之敬請收下老旦小兒束裝未備湯餅反勞多

費受之不當外好說老旦小孫尚未有名難得老親
家到此就煩命下以便稱呼外還是老親母自命老
旦還求老親家外如此老夫大膽了今日賢婿榮行
就喚做榮哥何如老旦榮字甚好多謝了乳娘抱榮
哥進去罷貼抱下外老夫有水酒一杯與賢婿餞行
這白金百兩少助資斧老旦過費了外滴酒介
大石調
過曲 賽觀音告天公竊恩貺老親母不敢褻瀆了
賢婿請滿飲一杯小生立飲介奉杯酒聊當折楊乘
此際年青力壯似捷足驍騶千里步康莊

前腔小生感恩岳相期望論從古男兒當自強待學
個當仁不讓一舉成名博個姓名揚

前腔老旦覩英才難測量真跨竈非同父行倘此去
雲霄直上便白髮黃堂也羨少年郎

前腔旦未登程先悽愴好夫妻似和鳴鳳凰況赤子
纔堪襁褓少甚良辰直恁去心忙老旦我兒赴岳父
在此一同拜別罷小生謹依嚴命拜介

人月圓人世上難捨只有功名想別母辭親添離況
嬌妻幼子都撇漾縱一片雄心終是強前途去儘車

塵馬足夜月朝霜

前腔老旦途路裏早晚休輕莽外儻遇同儕須謙讓

旦花街柳陌休游蕩縱不念妻嬌子幼也當念雙親

髮似霜合同囑付但功名到手及早還鄉外老夫備

有馬匹還要送賢婿一程

生強別慈闈赴選場

二叮嚀及第早還鄉先下

生行人自是心如火

外兔走烏飛不覺長

第三十一齣 鋤奸

貼蟒服扮太監上 蕭豪

集唐心隨黃雀繞簷飛長向東風有是非總為浮雲

能蔽日誰能談笑解重圍自家司禮監懷恩的便是

從小穿宮蒙恩秉筆滿腹忠肝義膽欲效呂強張承

業之為人一副快口直腸難容趙高仇士良之奸惡

可奈汪直這廝諂佞逢君貪殘害物設西廠而戡事

詐錢百官喪氣坐團營而弄兵冒賞萬骨為枯與劉

閣下中外交通構害良善向年崩禮科疏參其黨陳

鉞王越幾蹈不測賴木監一力周全得從薄譴時政

若此甚為可憂近日到虧內優人阿丑在院本中以

詼諧諷諫說用兵惟仗兩鉞又說外邊但知有汪太

監不知有天子聖心頗疑似有轉移之機矣本監將
此消息微露外庭遂有御史徐鏞等露章彈劾已經
御覽尚未施行更得一二大臣相擊何愁不濟今日
奉旨免朝百官俱已散班恐有奏事的到來俺且在
五鳳樓前伺候則個道猶未了有個少年官兒入朝
來了俺且閃過一邊暫下小生朝服上

北雙調新水令九重春色映宮袍似雒陽舊時年少君

思如秦岳親命豈鵝毛今日裏干冒請朝也無過是
盡忠孝下官新科進士鮮于俊前會試到京接得父

親台州手書說劓公冤謫一事囑我相機畱意爲之
表白倘得昭雪賜環亦了願恩一念今日下官待
登科雖在觀政未經授職男子漢上報君恩下遵
命有懷不吐更待何時夜來草成奏草一道勸皇上
納諫容言就將劓公一事點綴其中不免親賚上聞
呀後面有兩位大老來了且讓他前行則個立介外
金幘頭三牙鬚木幘頭鬚髯俱緋袍上

南仙呂入雙調步步嬌外紫陌雞鳴聞闔曉日月開黃道

末蓬萊宮闕高合共集金門遙瞻天表沐浴貢葵忱

仰冀重瞳炤船上請了天顏咫尺不敢私語今日聖

旨免朝有何文表就此披宣容本監轉達天聰便了

外末小生俱山呼介外臣兵部尚書項忠末臣都察

院御史王恕合奏聞陛下

北折桂令祝吾皇萬歲松喬臣等庸才高厚恩叨願

朝廷綏定饑鴻網羅祥鳳翦滅妖鴟有汪直權奸無

比與劉吉內外通交虐炤冲霄賄跡山高臣等不暇

悉舉其惡止將他十二大罪開揭上奏一字無差望

採芻蕘小生臣觀政進士鮮于俊奏聞陛下

南江兒水治道無多術須詳否泰交周易內君子外

小人為泰內小人外君子為否親賢遠佞存公道納

諫容言惟善寶鳴鞞振鐸來忠告臣聞禮科給事中

蒯遇時以直言時政遠謫粵西舉朝引以為戒箠口

結舌此非盛世之風也願賜恩環速召四海賢良誰

不懷忠思效貼接本介列位暫退朝房靜候玉音便

了晝漏稀聞高閣報天顏有喜近臣知下衆山呼退

介小生兩位老先生高名重望晚輩仰如斗山幸接

台光不勝欣幸外末前見齒錄已知下家世尊公

博雅絕倫吾輩素所敬服今見鳳毛益思龍首小生
豈敢晚生斗膽請問老先生方纔所參汪直十二大
罪可指教一二麼外末你要知那鬪狗的十二大罪
待俺試說您試聽者

北馬兒落帶得勝令外他坐團營胡將軍卒徭末假
巡邊要把兵威耀外嚇得個都御史戎裝跪謁勞末
好一個馬侍郎強項除官誥外虛冒着建州功把爵
賞邀末又想去勦安南開邊鬧外詞外事何須風影
搖末用嚴刑狠用琵琶罩外納苞苴似海潮末使威

風如山岳外居位的人人心膽搖末有家的個個神
魂落外呀與劉閣下做了腹心交末中外事共推敲
外仗兩鉞開邊釁外引邪僧起木妖外虛僑還添個
陳名易東林外末心焦恨不得斬奸臣外市曹外且
問足下適纔所奏劄掌科之事此見何來外小生不敢
講二位老先生家父自科舉及鄉會俱蒙蒯公提拔
南僥僥令出身恩不小知遇且三遭况他是屈軼虞
庭稱靈草便公論也須教立聖朝

北收江南外末呀當初個犯龍鱗險觸了晉庭葵俺

曾舒一臂在鼎鑊裏出毛焦這是芝蘭臭味自相招
賴你念師生久要念師生久要聖上聖上倘僥倖准
這本免使他天涯涕淚一身遙貼奉旨二旦宮娥上
南園林好論奸佞眼中釘怎挑喜今日朝陽鳳穩巢
似天霽浮雲盡掃好聽唱太平搖好聽唱太平搖聖
旨已到跪聽宣讀詔曰朕假借江直冀聞外事不意
結黨欺君一至於此卽著革任發去南京守陵其家
私抄沒助餉劉吉王越陳鉞交結內侍本該依律姑
念大臣削職回籍陳名易倍師趨勢心行不端罰去

山東德州太平驛擺站三年滿日爲民當差項忠王
恕鋤奸有功各加官保蒯遇時召還原職鮮于俊所
奏親賢遠佞納諫容言是朕本懷欽授翰林簡討傳
諭大小臣工洗心滌慮共襄治理謝恩衆山呼起唱
北沽美酒帶太平令衛嘉禾去野蒿驅奸黨似承蠅
社鼠城狐坐不牢自作孽怎能逃朝廷上星輝日皎
班行內珠聯璧繞邊塞外甲卷戈韜百姓每居安食
飽再不教擔煩受惱我呵思著想著是皇家福高呀
兀的是中興佳兆衆下小生弔場

尾聲片言悟主非吾料親命今番暫繳欲報君恩路

正遙雜上稟爺幾時赴任小生明日朝過就到院了

一聞歌聖道

助曲和陶甄

百生逢此日

萬壽願齊天

第三十二齣

托孫

淨扮老教官

正宮寒山
中呂庚青

仙呂入雙
調過曲

倒拖船老夫年過七十歲七十歲官居教

授非容易非容易一連三任雖通利鬻門地幾曾離

也思回也思回為些須薄俸且稽遲老夫高得意自

蒙鮮于公讓貢出學三任教職今任台州府學教授

且喜府尊就是鮮于公甚蒙優待誰知他大計中列

在方面卓異陞徐淮道副使即日起行唉也是老高

沒造化了叫馳夫快喚齊秀才少間太爺起身要擺

玳齊送小淨曉得淨我要先見太爺小淨老爺且在

賓館少坐淨坐小淨槌背淨睡介末吉服雜隨上

正宮燕歸梁蜀道迢迢夢未安今日裏荷恩環下官

引子引子燕歸梁蜀道迢迢夢未安今日裏荷恩環下官

剛過時因直言請蜀今荷賜環便道還里方知豚兒

不肖賴鮮于公祖昭雪真大恩也今日鮮于公祖高

權榮行曾治樽相餞叫院子將請帖傳去外門殺上

接帖介請在賓館少坐向淨介師爺請讓一讓末這
 是府學師爺請末相見淨原來是前老父母相見坐
 介淨恭喜老父母榮膺內召晚生曾離門叩賀未及
 面拜末因初歸碌碌尚未請教淨豈敢末記得先生
 出貢也是貴庠誰人相讓的淨就自鮮于明府讓的
 正宮 玉芙蓉 我藍袍欲卸難白髮桑榆晚賴同庠高
 過曲 義始脫儒關他心期鸞鳳輕斥鴆果向風雲刷羽翰
 難得今日同宦貴郡合真希罕喜恩波未乾又誰知
 丹梯獨上杏難攀虧老父母三番首拔鮮于公

前腔末 當時負赧顏年老魁儒案又誰知鄉會總冠
 文壇學生儘有少年門生誰到得鮮于公祖只道桃
 花顏色長鮮繁到不如百尺青松保歲寒合前外上
 太爺拜上蒯爺束裝事忙不敢勞待少停領席面謝
 末既如此舟次相候便子向淨介老先生請了乘輿
 辭郡府折柳待行人下淨坐前場生吉服引從上
 中呂 菊花新 幾年五馬號專城鏡裏鬚髯白數莖出
 引子 谷又聞鶯喜行李半肩清冷醉落魄前程黑漆因緣
 未到誰能識老向鬢宮歌白石一旦時來唾手功名

得黃堂自媿遷除亟木天又見兒華國擬學冥鴻避
繒弋劉有師恩銜結今猶昔下官自昭雪蒯世兄觸
目權威自其罷斥不料奸黨適破獲免其災反蒙優
擢更喜俊兒登第又建言請召還直臣蒯老師因此
得還初服可謂德繼父志矣從稟命各屬官員俱在
門外候送生一葉都辭只請高教官進來從請淨入
見介恭遇老大人旭日高升可勝欣幸生高先生
中呂粉孩兒讀書的但居官修本等論官無大小各
過曲謀其政春風絳帳吾道興誰人不另眼垂青與君家

桑梓情關效仁者以言相贈淨七學諸生思念老大人
德政立有遺愛碑今將碑文摹出送覽

紅芍藥生官五馬祿位非輕念君恩朝夕兢兢潔已
持公率吾性有甚麼龔黃德政何勞石上勒頌銘這
碑文過情難稱請回罷不勞送了淨辭下小淨丑扮
里老執香上小老人磕頭賢太爺榮行百姓如離父
母思念大恩編有歌謠執香奉送生敢承當父老謳
歌總歸功主上明聖父老們聽我分付

耍孩兒將我一言傳百姓各自安生理休得要犯法

三幸恩
干刑爲人第一要勤儉圖安靜又還須孝弟修德行
切莫要相爭競丑小淨領台旨生起程鼓吹行介

會河陽曲蓋朱旗擁使星繞車烏鵲也多情士民臥
轍攀轅怎好畱停欽奉着絲綸命生父老們去罷丑

小淨還要前途遠送下內好青天老爺怎捨得我們

去也生這里別恨紛難定雜稟爺蒯爺酒席在舟次

相候生那廂又把離筵訂末上見介治生薄治一樽

少壯行色生多謝老恩師厚情作下船末送酒介

剔銀燈三杯酒高歌渭城前途去越吳分境生老恩

師北上門生不及奉送子念文場三遍邀師幸恨不

得常依鞭鐙末老公祖說那裏話餘生是君家總成

誰夢想枯枝再榮老公祖公事鞅掌想天台也不會

游治生畫得一幅天台圖在此聊表躡意生多謝了

攤破地錦花在官何暇問天台景今見繪形對丹青

也當游行末愧殺那飲酒登山造孽生憎負朝廷誰

似你清徹一壺水治生此去京師到得與賢郎翰林

公相聚了生門生正有一言門生圖報師恩尚賒頂

踵倘有差遺小兒之處不妨見教末治生性命身家

皆出喬梓恩造怎還說報恩二字生老恩師差矣門
生向者誓雪師冤止報得科舉之恩後來昭雪賢郎
止報得鄉試之恩那會試提拔尚未會報豈能恁然
而生末老公祖如此用情古今罕有治生還有一段
心事又欲告訴生老恩師有何見諭末治生爲犬子
矢教書香已絕今有小孫年方一十二歲資質可進
意欲帶至都下求賢郎收之門墻教導成名治生世
世宗祖皆拜老公祖之賜矣生此易事耳卽當囑付
小兒老恩師竟攜令孫到京便了末如此多謝

麻婆子末翰院翰院詩書府書牕好聚螢生都下
下英豪藪文壇好立名末雲箋准擬到神京生謹將
親命傳師命合待等待等功名就方顯得通家奕世
情雜稟爺各屬官員及里老們俱在前面長亭候送
生門生告辭了

末三杯草草送行人 生破格門生分外親

合惟有感恩并積恨 萬年千載不生塵

第三十三齣 罵佞 小淨扮驛丞上 齊微

世間紗帽無數惟有驛丞難做身住幾間破房掌管

一隊馬戶府縣推沒有錢糧使客來不論早暮上司
令得奉承降官也來下顧要備中火下程沒錢去買
豆腐不如棄了前程回去家裏靜坐自家山東德州
太平驛驛丞便是今有給事中蒯爺復任赴京在此
經過只索伺候末冠帶貼垂髻扮蒯悟院子上

越調

引子杏花天末吳山越水行無滯喜重來南徐古驛

貼長途跋涉何曾慣生計不久當臨帝畿小淨接介

末院子可引小叔後書房安歇外引貼下末驛丞過

來有個陳名易聖旨發下本驛擺貼你喚來見我小

淨那個陳名易說是進士出身又道劉丞相的女婿
大模大樣不服小官呼喚末唬他是你手下的囚徒
怎麼喚不來這狗官奸打小淨慌介待小官喚來末
你只說有個同年故友請他相會小淨應下

越調

近詞入破末把從前事提起同試兼鄉會立心求少

年子厭殺老儒先輩再四矜持誰想天工有主不繇
人意三拔鮮于赧顏無地惹人譏拚得庄荒而已及
至遭顛沛相救援堪依倚老成歷練無如彼不肖豚
兒又荷垂青周庇今又托孫枝方知厚薄從人不關

年歲丑盛服小淨隨上久旱逢甘雨他鄉遇故知小淨陳爺貴同年是誰這等相厚一到驛中就教相請丑我同年相厚甚多但不知此位何姓小淨姓丑同年中沒有小淨什麼禮科丑此人我不見他淨扯進介陳名易到了丑伏介門生陳名易不知恩師老爺在此理合負荆請死末哇你是木驛囚徒怎敢衣冠見我叫驛丞剝他的下來小淨剝介被第二末你今日負荆仍伏門生禮我是逐臣孤吏如何當得此稱謂况伊年少早登科甲聯姻相國三

級平升榮華無比丑我的恩師老爺彼一時此一時哀第三百拜老師百拜老師念鰥生榮達皆尊惠非不感激奈相府覓贅壻逼勒成婚難避一入窠巢舉動不繇自己情可推疎失師門萬非得已

歇拍末立身本末立身本末豈無同異劉吉那廝結汪直和兩鉞似連雞罪惡多端事發必然連累最可悲年少科名弄得一文不值

中哀第五丑只爲少年只爲少年不經事便得身榮貴但想前途踐三槐登九棘恣驅馳誰料冰山一旦

難支白日到此方知何門追悔末畜生畜生

煞尾你狗苟蠅營狗苟蠅營一味貪榮利全不想科

與第是誰貽忘源本把心欺我在獄中遠謫粵西之

地虧殺老鮮于朝夕周旋偏不見你丑陳名易萬分

該死只求恩師老爺饒恕

出破末堪憐俺一片熱心化作東流水你走過來低

唱介不記得後生可畏成虛廢從此師生路岐你去

罷再來時俺也羞見你下丑那驛丞狗弟子孩兒哄

我受這場惡氣小淨譚介丑快送我回去

假饒掬盡湘江水 難洗今朝滿面羞

第三十四齣 院課 小生便服小淨書 歌戈 僮上

仙呂引子 劔器令 視草向金坡不數那文章江左喜兒曹

晨昏誦課未知進步如何人間風日不到處天上玉

堂森寶書想見東坡舊居士揮毫百斛瀉明珠下官

鮮于俊蒙聖恩欽授翰林文名頗盛所念父親年逾

八旬官居巡撫近日上疏引年乞休聖旨料然依允

下官意欲乞恩終養少盡子道奈蒯太老師以令孫

見托下官接取榮兒與他同學雖然有造尚未成名

因父親報師之局未終致下官將父之情猶鬱兩日
爲草制冗忙未曾閱他近課今日稍閒正好稽查叫
書僮書房中請兩位小叔出來小淨請介貼扮蒯悟
丑扮鮮于榮巾服上

紫蘇丸

二句

朝經暮史把閒情鎖聽玉堂又查新課貼

先生拜揖丑爹爹拜揖小生我前日出下的題目可
曾做完貼丑完了呈課小生閱介好蒯生筆性高華
有天馬行空之勢榮兒才情雋永有蜻蜓點水之容
更加琢磨皆爲利器你聽我道

仙呂

過曲桂枝香燈牕程課非勤不可曾中萬卷驅來筆

下纖塵無污要賢愚共賞賢愚共賞明如觀火美如
花朵費磋磨妙理須參透精言不在多

前腔貼丑方從操舸深蒙撥舵書從疑處須參文到

熟來無過喜同牕有人同牕有人互相倡和各無慵
惰自揣摩羔雁吾無憾娉婷得嫁麼末忠靖冠上

前腔清閒些個來領木天餘唾維這是鮮于爺門首

末入見介小生向貼丑介你每自去讀書貼丑下末

念愚孫純犢無知似糠粃重煩揚簸小生今孫近課

三幸恩
在此末看介這筆資可觀筆資可觀行文停妥都是
你金針點破感恩波學生只爲犬子不肖恐絕書香
今日小孫阿堪把青箱托衰宗再刮磨秋試屆期意
欲遣小孫還鄉應舉尊意如何

前腔小生不須煩瑣我當擔荷奉君家囑付諄諄思
報効勉圖結果晚生當爲令孫送入太學以圖進取
向成均作養成均作養本是金臺奇貨也省道途奔
播末旣蒙教育何敢反費資斧小生說那里話令孫
與小兒阿備同科三世通家誼又是年家弟與哥

末荷君推愛及愚孫

小生父志原期三報恩

末世間多少無情者

小生臣負君兮子負親

第三十五齣 說報

生老旦上

中呂蕭豪
後先天

中呂滿庭芳生白首窮經丹心事主幾年中外賢勞

師恩三報不負草芻刀予告優游林下對松菊三徑

逍遙老旦堪怡處子孫貴顯福祿比山高生鷓鴣天

蕭蕭華髮老迂儒一旦高乘駟馬車木本水源思報

効君恩師惠兩難虛老旦施棨戟換門閭簪纓奕世

顯前模齊眉共享林泉樂便是神仙總不如生夫人

我歷官廿載位至中丞况蒯老師令孫又得吾兒教
育與榮孫同榜成名可謂全福矣[老旦]老身向聞飛
昇觀扶乩一事乩詩既驗該送些香火之資謝王道
姑纔是[生]那乩詩原是呂仙所降我曾差張千將白
金三百兩送王道姑建造呂仙祠想必就回也[末]上
巳將鈞旨傳仙觀又引彈詞入畫堂覆太爺銀兩付
與王道姑收下了小人還有一件異事奉稟[生]有何
異事[末]小人呵西江月轉過縣前街道人州簇簇圍
牆一人高坐鼓聲揚話說中間帶唱[生]這是說唱故

事的[末]引得衆人攢聽盡誇忠厚無雙[末]原來是三
報恩話本播詞場正是讚揚公相[生]這話本那裏來
的[末]他說京師傳來的小人引他到此[老旦]着他在
簾外說唱一番到好[生]夫人要聽他說唱你喚他在
簾外把個卓兒與他唱得好時俺自有賞[末]說唱的
走動[淨]尖帽執鼓板上來了[末]太老爺太夫人在堂
你就在簾外好生說唱重重有賞[淨]說甚故事[末]就
說三報恩故事[淨]曉得打鼓板介詩曰莫瞞天地莫
瞞心心不瞞時禍不侵十二時中行好事災星變做

福星臨這四句詩是勸人存好心行好事做好人這
三報恩話文便是好人樣子話說廣西桂林府興安
縣有個鮮于秀才自少食廩官牆馳名學較真個胸
藏萬卷筆掃千軍論起他才學聯科及第也是分內
之事不想年復一年不能科第此乃時也運也命也
正是饒君曉盡千般事運未來時莫強求

時要孩兒桂林府裏興安縣覆姓鮮于是大賢六經
諸史皆參遍庠中早歲稱名士才學何慚作狀元奈
累試難秋薦羨無心就貢困守青氈生夫人我當初

若就貢途安有今日老旦相公所見極是生院子叫
他再唱來淨那鮮于秀才年紀雖長志氣不衰屢次
輪貢都讓與人一心要博科第其年甲子科本縣蒯
大尹錄科那大尹自己少年科第定要取少年門生
及至拆號發落第一等第一名就是鮮于秀才心下
好生不悅惟鮮于秀才感恩不盡正是路逢俠客須
呈劍不是才人莫獻詩

七煞似蛟龍欲上天厭蛙螾困井泉一心要見嫦娥
面風流蒯令臨科試暗裏揣摩作榜元亨運機先見

Blank columns for vertical text within a rectangular frame.



